

111 年全國語文競賽原住民族語朗讀【鄒語】高中學生組編號 2 號

ak'e yam'um'a

ne noana'o, panto mosoc'ola noachi ci mamespingi no hosa ta cou, moso nana botngonꞤ na ohsipeafa ci 'o'oko no haahocngꞤ, at'inghi mate atavei tungongabo na 'o'oko nosi haahocngꞤ ho ac'uhꞤ no vcongꞤsi, mosocuc'o noachi 'e mamespingi. ne mohcu kuzo 'o vcongꞤsi, 'iama mohcu ma'mahafo. micu ake'i aomomane tec'u nana yayo na oko, micu maica ho kuici cong 'e bꞤyo 'e mamespingi. ataveisi, isicu peafa na cihi ci oko no hahocngꞤ. ahoi ho moso payo'u no 'o'oko ho vcongꞤsi, 'e mamespingi mohcuc'ola noachi, mio a'umtꞤ 'aveoveoyꞤ ho isi i'vaha fii ta oko no hahocngꞤ no yoyahcoya.

at'inghi, 'e oko mo na'no afnaso h'unasi, fihno hiasi yayo ho cu aucunu yam'um'a na feangosi, ho 'osni meelꞤ yusuhngu, ho isi aiti no inosi homo cocvo, 'iama micu aulꞤ noemuhꞤ na hisisi. 'o isi atva'esa taunona'vꞤ, moc'on'a miemohi homo yayo, ma micu sasmoyꞤskꞤ, mo'so na'no mih'unasi 'e oko, isi yophia no inosi honcihela cocvi ho pohcingha, hafa 'e oko ho yone fuengu, lasic'o asngꞤcva aototoefunga 'e oko.

at'inghi, 'e oko mate afnaso yaa tonꞤa, mo na'no meemealꞤ eyafou, couno hola mayo no yuansou, lasi aacnia ieni to ti'a'ausna ta cou to inosi, acuha butisneni na mao'oahnguhe, ma tehe'so taakoknueva no 'oahngꞤsi na i'mizisi ta fou.

moso i'nꞤskꞤ maica, tei'vaho e'ohꞤ ho eya fou 'e oko, isi eutotaveia no inosi ho yainca, “ teko tꞤtꞤꞤtꞤ no micu yꞤepꞤngi ci fuzu, ho to'seni to yoyasva to kuba homo botngonꞤ 'omo nouteuyunu. ” o'amo aomane, mo a'umtꞤ tꞤtꞤꞤtꞤ no micu maseafo na hisi ci fuzu, yaino e'ausnu to inosi ho to'seni to kuba.

ihecu aiti no haah'o namo yono yoyasva ci fuzu, acꞤhꞤ yamci hocu epꞤskꞤ no poyave no sꞤngꞤcꞤ ho yu'usni na fuzu, at'inghi uk'a cimo ahtu tiv'ohꞤ, nama mo botngonꞤ na isi alolonga no fuzu ci haah'o, o'a ihe amaka peela 'a'usni nomo botngonꞤ na fuzu.

aiti no oko ho o'aihe pepelꞤi, micu uhto kuba ho tꞤtꞤꞤtꞤ na fuzu, ahoi ho mio, ohecula koekoe'ia 'emo mꞤulꞤlꞤ ci hahocngꞤ, ko'ko ohecu toehunga cohivi no conohosa 'emo yuutataso ci oko. ahoi ne mio, o'ana ohela so'iu potfunga 'e mamespingi ho oko eni.

ohecula toehunga koe'ia ta cou lahe'so anga taunona'vꞤ na isi hi'hioa, ohecula toehunga p'eac'a ho teai fafeifeiha, eahahafo no yu'faoimana ho aut'Ꞥca 'e hosa, a'vihnano mohcula um'umnꞤ na h'oyunsova ta na'ina. ne mohcula mameoi hocu mongoi ta tiskova, a'vihnano mo'so na'no yam'um'a na feangosi, ohcula toehunga yainca, “ ak'e yam'um'a ”.

111 年全國語文競賽原住民族語朗讀【鄒語】高中學生組編號 2 號

長毛公公

以前有位孤獨的婦人，她生了很多孩子，但先生和孩子們一一死去，只留下她和腹中胎兒活著。

她生了一個男嬰，這個男孩全身長滿濃密毛髮，也可以自己坐著，他的牙齒也都長齊了。

到了第五天，男孩已經長大了，由於他長相特殊，婦人怕他被嘲笑欺負，叮嚀他躲起來。

男孩力氣奇大無比，很會打獵，每次獵到野獸，母親會依照傳統將肉分送給親友，親友們不禁懷疑山肉的來源。

男孩又要打獵，婦人交代說：「你要活捉一隻山豬，把牠丟到 Kuba 前的廣場。」他依言將列到的山豬丟到廣場。

部落勇士發現 Kuba 前出現山豬，與山豬搏鬥，但山豬已經傷了好幾個人。

男孩見機不可失，立刻現身並活捉山豬，部落勇士非常佩服這個陌生人，也才知道部落中有這樣一位孩子。從此族人不敢再瞧不起婦人。

族人一致推崇他當領袖，保衛家園，他過世後，被尊稱為「長毛公公」。